



Босна и Херцеговина
Агенција за идентификациона
документа евиденцију
и размјену података



Bosna i Hercegovina
Agencija za identifikacijske/identifikacione
isprave/dokumente, evidenciju
i razmjenu podataka

Broj: 15-03-16-5-526/16
Datum: 27.4.2016. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH (Službeni glasnik BiH broj 56/08), člana 69. stav 2. tačka d) i člana 70. Zakona o javnim nabavkama BiH (Službeni glasnik BiH broj 39/14), direktor Agencije donosi sljedeću:

ODLUKU **o poništenju postupka nabavke**

I

Poništava se postupak javne nabavke nabavke usluga eksterne provjere ISO/IEC 27001:2013 i ISO 9001:2008 i obuka za interne i eksterne provjerivače za ISO/IEC 27001:2013 objavljenom na web portalu Agencije za javne nabavke BiH, broj obavještenja: 1110-7-2-14-3-16/16 od 22.03.2016. godine, koji je proveden u skladu sa procedurom konkurentskog zahtjeva za dostavu ponuda.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

Obrazloženje

Na osnovu provedenog postupka nabavke, Komisija za nabavke, imenovana Rješenjem broj: 15-03-16-5-526/16 od 30.03.2016. godine, konstatovala je da je rok za dostavu ponuda 21.04.2016. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle 2 ponude i to ponuđača: ENGAGE CERTIFICATION CENTER d.o.o. Beograd i Konzorcijuma Intercert d.o.o. Novi Sad i MOBES QUALITY d.o.o. Novi Sad. Neblagovremenih ponuda nije bilo.



Komisija je predložila donošenje odluke o poništenju postupka nabavke, u skladu sa članom 69. stav 2. tačka d) Zakona o javnim nabavkama BiH, iz razloga što su obe dostavljene ponude ocijenjene kao nekvalifikovane nakon izvršene provjere kvalifikacije ponuđača prema uslovima učešća u tenderskoj dokumentaciji, te su ocijenjene kao neprihvatljive.

Ponuda ponuđača ENGAGE CERTIFICATION CENTER d.o.o. Beograd nije kvalifikovana i prihvatljiva slijedećih razloga:

- nije dostavljen Nacrt ugovora popunjen i parafiran a koji je tražen tenderskom dokumentacijom;
- nije dostavljen dokaz iz kojeg se može utvrditi da je ponuđač registriran kod poreznog punomoćnika koji ima sjedište u BiH, niti dokaz da je oslobođen plaćanja PDV-a kao što ponuđač tvrdi u dostavljenom dopisu od 18.04.2016. godine, sve u skladu sa članom 60. Zakona o porezu na dodanu vrijednost.

Ponuda Konzorcijuma Intercert d.o.o. Novi Sad i MOBES QUALITY d.o.o. Novi Sad nije kvalifikovana i prihvatljiva iz razloga što nije dostavio dokaz iz kojeg se može utvrditi da je registriran kod poreznog punomoćnika koji ima sjedište u BiH.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za poništenje postupka nabavke.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda ovog zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom, u rokovima propisan Zakonom. Žalba se podnosi u dovoljnom broju primjeraka, a koji ne može biti manji od tri.

X 

DIREKTOR
Edim Nesimi

дигитално потписано / digitalno potpisano / digitally signed